

նեալ են նորանոր շինուածս՝ պատկերս եւ կանթեղս 'ի Ս. Յարութիւն, 'ի Բեթղեհէմ և յԱստուածածին, որպէս տուամարաւ եւ ստոյգ քննութեամբ ցուցանեն մեզ: Արդ՝ այն ամենայն զորս արարին, բարձցի և քակեցի օրինօք դատարանի. ապա թէ ոչ՝ պարտաւորին եւ փնասին մեծապէս՝ որք հրաման տան և հակառակին հրամանի մերում: Յայտնապէս ծանուցաւ որ զտումարն զայն գրեալ են Յոյնք մանրամասն՝ և գրով իւրեանց յղեալ առ նա 'ի ձեռն Քաղաքապետին: Եհարց Դատաւորն ցոյնս՝ զի թերեւս գիտութեամբ և յօժարութեամբ նոցին եղեալ իցէ այն ամենայն, բայց նոքա դարձեալ յուրաստ եկին, և այնպիսի ձեւ ետուն բանից թէ՛ գործ նոցին տեսանի յԱրքունիս: Յետ այնորիկ ասէ ցՀայս, չիք իմ արարեալ նորասահման ինչ, այլ ըստ հրովարտակի Արքային և գիտութեամբ ամենեցուն երկու ազգք բաժանորդ եղեն. և թէ՛ չունիմ այժմ հրաման յԱրքայէ քննել զայնս, քակել և կամ այլ ինչ գործել: Հարկ է սպասել հասանելոյ Մովսէլլային 'ի Կոստանդինուպօլիս եւ ընդունելոյ զգրեանս. իսկ եթէ Բեղչին կամի բանութեամբ գործել, ոչ կարեմ ընդդէմ կալ, թէեւ կարեմ առնել ըստ հրամանի նորին և զամենայն գրեանս առաքել առ Տէրութիւնն, սակայն ըստ օրինաց որքան կարեմ արգելում մինչեւ ծանուցանել ձեզ 'ի Կոստանդինուպօլիս, և բերել գիր հրամանի, զի 'ի յաջորդել այլ Դատաւորի գրով անտեղեակ իրացս այսոցիկ, հանդիպիք նեղութեանց և փնասուց: Եւ ետ նոցա զպատճէնս գրոց Կուսակալին առաքել առ որ անկն է, և մեկնեցան անտի: Զկնի երկուց առուրց գնացին Հայք առ Քաղաքապետն ըստ խնդրելոյ նորին, եւ ընթերցաւ առաջի նոցա զգրեանս Կուսակալին, եւ 'ի լինել բանից 'ի վերայ այսր խնդրոյ, Հայք ետուն պատասխանի՝ Կուսակալն յառաջագոյն գրեալ էր թէ 20 կանթեղ յԱստուածածին, 1 սենեակ 'ի Բեթղեհէմ, և 1 խորան 'ի Ս. Յարութիւն նոր սահմանեալ է, և խնդրէր ծանուցանել ինքեան թէ ո՞ր ազգ 'ի քրիստոնէից արարեալ իցէ զայն, և դուք յայնժամ ո՞րպիսի եղանակաւ ետուք պատասխանի, չէ մեզ յայտ. իսկ այժմ զամենայն ինչ տուամարաւ յայտ արարեալ ասէ՝ թէ Հայք 'ի բացակայութեան իմում պատեհ ժամանակ գտեալ՝